



PRAVILNIK O RADU I KORIŠTENJU SREDSTAVA FONDACIJE “LJILJAN” ISLAMSKE ZAJEDNICE BOŠNJAKA SJEVERNE AMERIKE

OPĆE ODREDBE

Član 1.

Odredbama pravilnika o radu i korištenju sredstava fondacije “Ljiljan” (u daljem tekstu: pravilnik) se utvrđuje:

- naziv i sjedište fonadacije “Ljiljan” (u daljem tekstu: fondacija),
- djelatnost i programski ciljevi fondacije,
- organi upravljanja fondacije,
- sredstva fondacije i njihovo korištenje,
- članstvo i izdvajanje za fondaciju.

Član 2.

Naziv fondacije je: Fondacija “Ljiljan”. Sjedište fondacije je u sjedištu Islamske zajednice Bošnjaka u Sjevernoj Americi (u daljem tekstu - IZBSA).

Član 3.

Fondacija svoj pravni subjektivitet ostvaruje unutar IZBSA.

Član 4.

Fondacija ima svoj logo i pečat koji je okruglog oblika sa sadržajem teksta: Islamska zajednica Bošnjaka u Sjevernoj Americi – Fondacija “Ljiljan”. Logo i pečat mogu biti i na engleskom jeziku.

Lice odgovorno za čuvanje i upotrebu pečata je sekretar IZBSA.



DJELATNOST I PROGRAMSKI CILJEVI FONDACIJE

Član 5.

Primarna djelatnost fondacije je stipendiranje učenika i studenata u Sjevernoj Americi i Bosni i Hercegovini.

Dodatne djelatnosti će se realizirati i proširiti zavisno od potrebe.

Član 6.

Programski ciljevi fondacije su razvoj školstva i obrazovanja, te objedinjavanje i institucionalno organizirano dodjeljivanje i raspodjela stipendija iz džemata sa područja Sjeverne Amerike.

ORGANI UPRAVLJANJA FONDACIJE

Član 7.

Fondacijom rukovodi Izvršni odbor. Izvršni odbor ima pet članova, i to po jednog člana iz svakog od medžlisa IZBSA, te sekretara IZBSA. Članove Izvršnog odbora postavlja i razriješava dužnosti muftija i glavni imam IZBSA na prijedlog članova Izvršnog odbora IZBSA.

Izvršni odbor obavlja sljedeće poslove:

- organizira rad i rukovodi radom fondacije,
- imenuje i razriješava predstavnike fondacije u zemlji i inostranstvu,
- odlučuje o raspodjeli i upotrebi sredstava,
- predlaže izmjene i dopune ovog pravilnika i drugih akata fondacije,
- odgovara Izvršnom odboru IZBSA za rezultate rada fondacije i finansijsko poslovanje fondacije,
- realizira ugovore koji se zaključuju u ime fondacije,
- obezbjeđuje informiranje u vezi sa izvršenjem funkcija fondacije,
- obavlja i druge poslove koje mu povjeri Izvršni odbor IZBSA.

Član 8.



Izvršni odbor ima predsjednika, i sekretara. Predsjednika i sekretara biraju iz svojih redova, na prvoj sjednici, članovi Izvršnog odbora. Mandat članova Izvršnog odbora traje dvije godine, sa mogućnošću njegova produženja.

Član 9.

Izvršnim odborom rukovodi predsjednik.

Predsjednik obavlja sljedeće poslove:

- rukovodi sjednicama Izvršnog odbora i usmjerava njegov rad,
- u ime Izvršnog odbora potpisuje sve akte i odluke koje usvaja i donosi Izvršni odbor,
- obavlja i druge poslove iz svoje nadležnosti.

U slučaju da glavni imam IZBSA prisustvuje sjednici Izvršnog odbora fondacije, predsjednik fondacije je dužan ponuditi rukovođenje sjednicom glavnom imamu.

Član 10.

Sekretar Izvršnog odbora mijenja predsjednika u njegovom odsustvu sa svim ovlaštenjima koje isti na njega prenese.

Sekretar Izvršnog odbora priprema sjednice Izvršnog odbora i koordinira njihov rad, te obavlja sve administrativne poslove u ime Izvršnog odbora.

Član 11.

Izvršni odbor sve odluke donosi većinom glasova od ukupnog broja članova Izvršnog odbora.

Izvršni odbor fondacije se sastaje najmanje šest puta godišnje, ili po ukazanoj potrebi. Sjednice Izvršnog odbora saziva predsjednik Izvršnog odbora, glavni imam ili najmanje dvije trećine od ukupnog broja članova Izvršnog odbora.

Član 12.



Za svoj rad Izvršni odbor odgovara Izvršnom odboru IZBSA.

Član 13.

Blagajnu i sve finansijske poslove fondacije vodi sekretar IZBSA.

SREDSTVA FONDACIJE I NJIHOVO KORIŠTENJE

Član 14.

Fondacija sredstva ostvaruje iz:

- priloga,
- donacija,
- poklona.

Član 15.

Sva ostvarena sredstva fondacije dodjeljuju se nepovratno.

Nepovratno dodjeljivanje sredstava vrši se u korist stipendiranja učenika i studenata u Sjevernoj Americi i Bosni i Hercegovini.

Član 16.

Prioritet u dodijeli sredstava iz prethodnog člana utvrđuje Izvršni odbor nakon sagledavanja stvarnog stanja i potrebe.

Izvršni odbor će:

- Pripremiti i javno objaviti kriterije stipendija.
- Na osnovu pripremljenih kriterija izabrati će najkvalifikovanije kandidate za dodjelu stipendija.
- Prikupljati će informacije o stipendisti.
- Pratiti će progres školovanja i ocijena stipendiste.



PRELAZNE I ZAVRŠNE ODREDBE

Član 17.

Sredstva iz fondacije su operativna pola godine nakon stupanja na snagu ovog Pravilnika.

Član 18.

Fondacija se osniva na neograničeno vrijeme.

Član 19.

U slučaju da fondacija prestane sa radom, odluku o prestanku rada fondacije donosi osnivač.

U slučaju prestanka rada fondacije, novčana sredstva fondacije i vlasništvo nad nekretninama prebacuju se u vlasništvo IZBSA, a novčana sredstva na račun IZBSA.


PRAVOSNAŽNOST, IZMJENE I DOPUNE

Član 20.

Ovaj Pravilnik stupa na snagu danom donošenja. Amandmani na ovaj pravilnik mogu se donositi samo na Skupštini IZBSA.

U Denver, Colorado

1. april 2018. g. / 15. redžeb 1439. h. g.



Dr. Hazim ef. Fazlić
Predsjednik Skupštine

Islamske Zajednice Bošnjaka Sjeverne Amerike